

Il ya encor Castelnau d'Arry, chef du païs d'Auraguez, en aussi belle assiette que ville de ce Royaume, en vne plaine fertile en fruitts, legumes, & autres commoditez.



DV PAYS DE
Rouergue.


LE païs de Rouergue est séparé du Languedoc, par le fleuve de Tarn.

La cité capitale de Rouergue est Rhodéz, des premières conuerties à la foy par saint Martial, lequel dedia l'Eglise cathédrale au nom de la vierge Marie, & par ainsi Rhodéz est vn ancien Euesché.

Il y a siege de Seneschal en ceste ville ressortissant à Tholosé.

Les

Les sieges d'Alby, Gaillac, & Castres d'Albigeois sont du ressort de la Seneschauffee de Rhodéz. Au païs de Rouergue y auoit iadis des mines d'or.



DV PAYS ALB-
GEOIS.

Le païs Albigeois a bonde en bleds, vins, saffran, & autres grandes commoditez, & est borné des riuieres du Loth, & du Tarn. Ces peuples s'ot apeléz par Cesar *Heluii*.

Alby est la capitale de ce païs, & siege Episcopal. L'eglise cathedrale en est dediee au nom de S. Cecile, & y a vn des plus beaux & magnifiques Chœurs de la France, estant ceste Eglise